



BuL-1.

Broj: 01-02-2418/21
Sarajevo, 22.12.2021. godine

DOM NARODA PARLAMENTA FEDERACIJE BIH
n/r gospodina Tomislava Martinovića, predsjedavajućeg
n/r gospodina Aljoše Čampare, potpredsjedavajućeg

**PREDMET: PRIJEDLOG ZAKONA O DOPUNI ZAKONA O ELEKTRIČNOJ ENERGIJI
U FEDERACIJI BIH, predlagač: Klub zastupnika SDA – hitni postupak**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 28. redovnoj sjednici održanoj 21.12.2021. godine usvojio Prijedlog Zakona o dopuni Zakona o električnoj energiji u Federaciji BiH, koji Vam u prilogu dostavljam.

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- a.a.



Datum: 21.12.2021. godine

Broj: 21-12/2021

BOSNA I HERCEGOVINA
 FEDERACIJA BOSNE I HERCEGOVINE
 PARLAMENT FEDERACIJE BiH
 PREDSTAVNIČKI DOM
 KLUB SDA

HITNO
 FEDERACIJA BOSNE I HERCEGOVINE
 PARLAMENT FEDERACIJE BOSNE I HERCEGOVINE
 PREDSTAVNIČKI - ZASTUPNIČKI DOM
 SARAJEVO

Nr. Predsjedavajućem Doma,
 zastupnicima

PRIMLJENO	21-12-2021
01-02-2418	121

PREDMET: Zahtjev za dopunu dnevnog reda 28. redovne sjednice Predstavničkog doma Parlamenta FBiH, dostavlja se

Poštovani,

U skladu sa članom 100. Poslovnika o radu Predstavničkog doma Parlamenta FBiH, upućujemo zahtjev za dopunu dnevnog reda sa sljedećim tačkama:

1. „Prijedlog Zakona o izmjeni Zakona o pravima branilaca i članova njihovih porodica - skraćeni postupak“
2. „Prijedlog Zakona o dopuni Zakona o električnoj energiji u Federaciji Bosne i Hercegovine – hitni postupak“

Obrazloženje

1. Razlog za donošenje „Zakona o izmjeni Zakona o pravima branilaca i članova njihovih porodica“ je poboljšanje statusa ratnih vojnih invalida od I do IV grupe kojima je priznato pravo na dodatak za njegu i pomoć od drugog lica. „Prijedlog Zakona o izmjeni Zakona o pravima branilaca i članova njihovih porodica“ je dostavljen u parlamentarnu proceduru 02.11.2021. godine i upućen je u skraćenom postupku od strane Kluba SDA zastupnika u Predstavničkom domu Parlamenta Federacije BiH.
2. Razlozi za donošenje „Zakona o dopuni Zakona o električnoj energiji u Federaciji Bosne i Hercegovine“ („Službene novine Federacije BiH“, br. 66/13, 94/15 i 54/19), sadržani su u članu 1. stav (1) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13, 94/15 i 54/19 – u daljnjem tekstu Zakon), kojim je, između ostalog propisano da se ovim Zakonom uređuje funkcionisanje elektroenergetskog sektora,



elektroprivredne djelatnosti, razvoj tržišta električne energije, regulisanje tržišta, opći uslovi za isporuku električne energije, planiranje i razvoj, izgradnja, rekonstrukcija i održavanje elektroenergetskih objekata, nadzor nad provođenjem zakona i druga pitanja od značaja za obavljanje elektroprivredne djelatnosti u Federaciji Bosne i Hercegovine.

Cijena električne energije izrazito je volatilna, čemu najbolje svjedoči činjenica da su trenutne tržišne cijene višestruko više od cijena električne energije u istom razdoblju prethodne godine. Razlozi promjene cijena električne energije na tržištu su višestruki i zavise od više faktora kao što su vremenske prilike, evropska energetska politika, dodatni okolinski troškovi proizvodnje, globalna kretanja cijena energenata, stanje na tržištu emisijskih jedinica stakleničkih gasova, povećana potražnja i smanjena ponuda na tržištu.

Neki od navedenih faktora imaju veći, a neki manji utjecaj na kretanja cijene električne energije u Federaciji BiH.

Kako bi se izbjegli poremećaji u privredi i osigurala stabilnost privrede zbog naglog porasta cijena električne energije (otpuštanje radnika i povećanje cijena ostalih proizvoda zbog povećanja cijena električne energije), ovom dopunom Zakona omogućava se Vladi Federacije BiH da ograniči rast ili smanjenje cijena električne energije u Federaciji BiH.

S obzirom da je odlukom DERK-a otvoreno tržište električne energije u BiH, te svi snabdjevači postaju učesnici na tržištu električne energije gdje slobodno ugovaraju količinu, cijene i uslove isporuke električne energije, potrebno je stvoriti pravni osnov za regulisanje tržišta u izuzetnim situacijama koje prijete da će nanijeti veću štetu pravnim licima koja nisu elektroprivredni subjekti u Federaciji BiH.

Uzimajući u obzir sve navedeno, odnosno uvažavajući razloge koji su navedeni u ovom obrazloženju, a iz kojih je vidljivo da bi nedonošenjem ove dopune zakona mogla nastati šteta po Federaciju Bosne i Hercegovine, kao i činjenicu da se radi o Zakonu koji je već bio na razmatranju u Parlamentu Federacije Bosne i Hercegovine, predlaže se donošenje Zakona o dopuni Zakona o električnoj energiji u Federaciji Bosne i Hercegovine po hitnom postupku.

„Prijedlog Zakona o dopuni Zakona o električnoj energiji u Federaciji Bosne i Hercegovine - hitni postupak“ dostavljamo u prilogu ovog akta.

S poštovanjem,

KLUB SDA

doc.dr. Atifun Efendić s.r

ZAKON
O DOPUNI ZAKONA O ELEKTRIČNOJ ENERGIJI U FEDERACIJI BOSNE I
HERCEGOVINE ("SLUŽBENE NOVINE FEDERACIJE BIH", BR. 66/13, 94/15 I 54/19)

Član 1.

U Zakonu o električnoj energiji u Federaciji Bosne i Hercegovine ("Službene novine Federacije BiH", br. 66/13, 94/15 i 54/19), iza člana 16. dodaje se novi član 16.a. koji glasi:

Član 16.a.

„Izuzetno od stava (2) člana 16. Zakona, ukoliko dođe do poremećaja na tržištu električne energije na način da se cijena snabdijevanja električnom energijom za kvalifikovanog kupca poveća ili smanji za više od 50% u odnosu na prethodnu godinu, Vlada Federacije može posebnom odlukom ograničiti povećanje ili smanjenje cijena snabdijevanja električnom energijom, pri čemu se isto odnosi za Ugovore sa godišnjim trajanjem ili duže.“

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".